

SPORAZUM O KORIŠTENJU LICENCE OD STRANE KRAJNJEG KORISNIKA DIGITALNOG NOVČANIKA

Ovaj sporazum o licenci (**Licenca**) je pravni sporazum između **vas** i firme Fabrick S.p.A., (**Izdavač licence, nas ili mi**) za:

- kompjuterski softver poznatiji pod nazivom „Digitalni novčanik“ i uključuje sve verzije tog softvera koje Vam se stavljaju na raspolaganje za preuzimanje, vlasnički softver Izdavača licence, sve odnosne aplikacije, potencijalne proizvode trećih strana (uključujući biblioteke proizvoda Motif™/Digitalni novčanik), podatke i ostale informacije koje se dostavljaju uz softver i odnosne medije (**Digitalni novčanik**) i
- štampane materijale i online ili druge elektronske dokumente koji se odnose na Digitalni novčanik (**Dokumenti**).

Na osnovu ove Licence možete koristiti Digitalni novčanik i Dokumente. Digitalni novčani ili Dokumenti Vam se ne prodaju. Mi ili naši izdavači licence ostajemo vlasnici Digitalnog novčanika i Dokumentata u bilo koje doba.

VAŽNO OBAVJEŠTENJE ZA SVE KORISNIKE:

PREUZIMANJEM DIGITALNOG NOVČANIKA ILI BILO KOJEG NJEGOVOG DIJELA PRISTAJETE NA USLOVE OVE LICENCE KOJI SU ZA VAS OBVEZUJUĆI. USLOVI OVE LICENCE NAROČITO UKLJUČUJU, OGRANIČENJA ODGOVORNOSTI U SKLADU SA TAČKOM 5.

1. Dodjele i raspon licence

- 1.1 Budući da ste pristali na uslove ove Licence, ovim putem Vam se dodjeljuje globalna, u potpunosti plaćena, neekskluzivna, neprenosiva licenca da koristite Digitalni novčanik i Dokumente u skladu s uslovima ove Licence.
- 1.2 Imate pravo na sljedeće:
 - (a) preuzimati, instalirati i koristiti Digitalni novčanik isključivo u svrhe koje navodi Vaša Banka;
 - (b) ako se uskladite s uslovom pod tačkom 2 u nastavku, pravite kopije Digitalnog novčanika isključivo u svrhu pravljenja kopija za čuvanje podataka;

2. Ograničenja

- 2.1 Osim ako nije izričito navedeno u Licenci ili dozvoljeno lokalnim zakonom, pristajete na sljedeće:
 - (a) nećete kopirati Digitalni novčanik ili Dokumente izuzev ako to kopiranje nije u skladu sa standardnom upotrebom Digitalnog novčanika ili gdje je potrebo u svrhu pravljenja sigurnosnih kopija ili sigurnog rada;
 - (b) nećete davati u najam, zakup, podlicencirati, zajmiti, prevoditi, spajati, prilagođavati ili modificirati Digitalni novčanik ili Dokumente;

- (c) nećete praviti izmjene cijelog ili dijela Digitalnog novčanika, niti dozvoliti da Digitalni novčanik ili bilo koji njegov dio bude kombinovan s nekim drugim programima;
- (d) nećete rastavljati, dekompilirati, analizirati sastavne dijelove ili stvarati radove nastale iz cijelog ili dijela Digitalnog novčanika niti pokušavati da tako nešto učinite;
- (e) nećete pristupati drugim softverskim programima putem Digitalnog novčanika;
- (f) uskladiti ćete se sa svim važećim kontrolama tehnologije ili zakonima o izvozu i regulativama.

3. Prava na intelektualnu svojinu

- 3.1 Saglasni ste da sva autorska prava i ostala prava na intelektualnu svojinu u Digitalnom novčaniku i ostalim Dokumentima bilo gdje u svijetu pripadaju nama ili našim izdavačima licenci i da je za prava na Digitalni novčanik Vama izdata licenca (te da Vam nisu prodana) i da nemate prava na Digitalni novčanik ili Dokumente pored prava da ih koristite u skladu s uslovima koji se navode u Licenci.
- 3.2 Ova Licenca ne odobrava korištenje trgovačkih naziva, zaštitnih naziva ili servisnih oznaka ili naziva Izdavača licence osim ako se tako ne zahtijeva tokom opisivanja porijekla Digitalnog novčanika i Dokumentata.

4. Izuzeće od garancija

- 4.1 Izdavač licence dostavlja Digitalni novčanik 'takvog kakav jeste' i bez uslova, garancija, zastupanja ili ostalih uslova, izričitih ili impliciranih, u najvećoj mogućoj mjeri dozvoljenoj zakonom, uključujući bez ograničenja vlasnička prava, bez ograničenjanepostojanje povrede, mogućnost prodaje, korištenje u određene svrhe, nedostatke i pogreške. Bilo kakav uslov, garancija, zastupanje ili druga odredba koja se tiče dostavljanja Digitalnog novčanika i Dokumentata koja bi mogla biti implicirana ili uključena na drugi način u ovu Licencu bilo putem zakona, običajnog prava ili na drugi način, je isključena u punoj mjeri dozvoljenoj zakonom.
- 4.2 Ovo izuzeće predstavlja sastavni dio Licence i predstavlja preduslov za garantovanje prava na Digitalni novčanik.

5. Ograničenje odgovornosti

- 5.1 Saglasni ste da nećete koristiti Digitalni novčanik ili Dokumente u svrhe bilo kakve preprodaje.
- 5.2 U skladu s odredbom 5.3 u nastavku, Izdavač licence isključuje sve moguće odgovornosti u odnosu na sva potraživanja, bilo putem ugovora ili sudskog naloga ili na drugi način, koja nastanu iz ili u vezi s ovom Licencom ili bilo kojim drugim ugovorom, za bilo kakav gubitak ili štetu nastalu direktno ili indirektno, uključujući bez ograničenja:

- (a) gubitak dobiti, prodaja, posla ili naknada;
- (b) prekide u radu;
- (c) gubitak predviđenih ušteda;
- (d) gubitak ili oštećenje podataka ili informacija;
- (e) gubitak poslovnih prilika, goodwilla ili reputacije ili
- (f) bilo kakvu indirektnu ili posljedičnu štetu ili gubitak.

5.3 Ništa u ovoj Licenci neće ograničavati ili isključivati našu odgovornost za:

- (a) smrt ili ličnu povredu koja nastane uslijed našeg nemara;
- (b) prevaru ili lažno predstavljanje;
- (c) ostale odgovornosti koje se ne mogu isključiti ili ograničiti važećim zakonima.

6. Okončanje

6.1 Možemo povući ovu Licencu odmah slanjem pisanog obavještenja Vama ako počinite materijalni ili stalni prekršaj ove Licence.

6.2 Uslijed povlačenja iz bilo kojeg razloga:

- (a) sva prava koja Vam se dodjeljuju u sklopu ove Licence prestaju;
- (b) odmah ćete prestati s izvođenjem svih aktivnosti koje se odobravaju pod ovom Licencom i
- (c) odmah ćete izbrisati ili ukloniti Digitalni novčanik sa sve opreme koju posjedujete.

7. Ostali važni uslovi

7.1 Ako Vam prebacimo naša prava i obaveze koje se navode u ovoj Licenci nekoj drugoj organizaciji, to neće utjecati na Vaša prava i obaveze pod ovom Licencom na bilo koji način.

7.2 Svaki uslov u ovoj Licenci će se posmatrati pojedinačno. Ako sud ili neko nadležno tijelo utvrdi da je bilo koji od njih nezakonit ili neprovediv, preostali uslovi će ostati na snazi.

7.3 Osim ako nije izričito zabranjeno lokalnim zakonima, ovom Licencom i svim pitanjima koja iz nje nastaju ili u vezi s njom, će upravljati i bit će sastavljeni u skladu sa zakonima Slovenije.